

續金華叢書



續金華叢書



吳禮部文集卷九

續金華叢書

七言絕句

山行

林中禽語意相關池上魚遊心共閒忽到水窮雲起處悠然回首見南山

桐江道中二首

東風綠水動微波晚泊灘頭理釣蓑喚起江湖昔年夢一帆寒雨聽漁歌

連山紅綠照清溪倚棹行人思欲迷多少林禽好音語止嫌杜宇作哀啼

病起

單衣小立怯西風病骨詩愁冷淡中一片清秋在何處豆花籬落雨濛濛

口涼書所見三首

小風不掃晚來雲
天色澄澄紺碧痕
回首銀盤孤湧處
火峰化作雪濤奔

沙渡歸人已罷船
石樓遙樹自生煙
溪回路轉知何處
一塢斜陽數萬蟬

涼風瑟瑟響千崖
漸出平原草樹開
欲墜飛螢已無力
瞥然數點過池來

秋江晚渡圖

十年吳楚客
西東展卷高歌興
未窮渺渺孤舟呼
不得好山無數夕陽中

煙寺晚鐘圖

半空孤塔擎飛杵
四壁長煙漲白波
落木疎林秋色老
斷鐘殘磬暮樓多

郊行

浴鳥翻晴日
色暄平蕪千頃豁
春煙何時擺落窮
愁事濯足清江藉

草眠

杜鵑

春風望帝寂餘魂
臣甫離愁錦水濱
千載此禽同姓杜
哀吟垂血定前身

元夕

柳臺梅巷鎖春晴
酒思燈光負賞心
聽徹宣和太平曲
獨看明月到更深

赤松二仙圖

四海弟兄誰慰眼
半生書冊政亡羊
赤松有路不歸去
花落春山百草長

夏夜江上二首

繞屋清江竹萬竿
水風蕭瑟竹光寒
夜深月上門不掩
卧聽釣歸船過灘

洪濤半夜發前山
月明風急魚龍翻
呼兒江邊縛艇子
蒼藤白石青

楓根

溪上

柳花漠漠杏花乾一寸青蒲刺碧蓮
春色滿溪人不到野鳬背上小雛眠

次韻黃晉卿清明遊北山十首

千峰煙雨氣崢嶸中湧芙蓉一朵青
想見登高能賦客吸呼山氣聚英靈

幽賞玄談總背時青山自識我曹奇
不知同結東林社還有當年遠法師

蘭若青林數里程孤峰當道送還迎
歸來寒食清明夜猶夢松風澗水聲

珠懸黍米容千衆芥納須彌等一塵
始信約師瓶浴事故將靈幻駭庸人

煜煜丹光澗壑紅牧羊先在嶺雲東
赤松花落春風老未得相逢一

笑同
仙佛偏于勝處多飛空金碧倚栽栽白雲深鎖藏深屋誰記北山人
姓何

林間尊宿澹祿期不減當年許與支十載相思不相識雲山應笑俗
緣卑

藥草生苗宿雨肥梢梢野筍脫斑衣桐花開盡櫻桃落山北山南謝
豹飛

行歌共訪採芝翁絕壑層雲一盪胸誰念愁吟溪上客落花微雨獨
搯筇

一壑風煙自可留十年湖海漫狂遊短衣射虎真堪樂莫恨將軍老
不侯

輓車圖

短轅長馭後先驅逐利奔名恣所如落日中原天萬里我貧正坐出
無車

讀陳後山詩有感

我名異世偶然同身迹沈微轉更窮寄食尙憐從郭概賞音未易見
蘇公

和陳景傳寄方韶父韻四首

北里高樓笛夜吹酒懷詩夢與秋宜惠連無限淒涼思獨背寒燈聽
雁時

風流文采弟兄難落月懷人幾夜闌俗子寧堪探牘對俊游聊作採
詩看

黃塵那解污清流客裏千尊莫負秋閑采芙蓉弄江水笑攜涼月上
沙頭

風流遺老曙星殘湖海知心夜夢間欲訪玄英向何處猿聲木葉滿
秋山

山雞

爛斑五色出深叢顧影徐行氣自雄飛去漢廷應作鳳野人慣見任

西東

偶題

塵土侵懷屋打頭出門市道總悠悠南山萬古長青眼莫怪相看不
下樓

明皇聽笛圖

小立華清院宇春側身橫玉笑迎恩秋風吹斷歡娛曲凝碧池頭急
管喧

羣雁圖

飛影成行止共餐稻梁易足水雲寬誰知江海離羣客獨對秋風不
忍看

孟浩然跨驢圖二首

風雪蕭蕭破帽敲玉堂回首夢應非鹿門松徑寒門裏擁被微吟定
憶歸

直語無因住禁垣清遊隨意蹋寒原風流鄭五雖相似應愧詩庸位

轉尊

班姬吟扇圖二首

已信當年有綠衣
漫將團素寫新詩
才明自斷衰榮夢
肯對秋風作
口悲

當暑提攜識暫憐
安身篋笥任長捐
昭陽極寵昭臺怨
得似斯人晚
自全

息齋墨竹三首

長憶東陽舊使君
秋風吟倚瘦休文
石根數葉蕭蕭碧
長伴幽人一
壑雲

碧鮮迎舞翠華臨
一日清風滿葉林
得士雖聞諸老薦
報恩誰識此
君心

彭城一派接洋州
千載真傳屬薊丘
舉世隨風翻墨水
凝神誰識與
天遊

春日獨坐二首

茶煙澹澹風前少庭葉沈沈雨後添何處楊花念幽獨殷勤入室更穿簾

幽禽著樹一兩語小雨隨風十數番無酒無詩亦無客澹然終日自清歡

次韻七夕二首

織女黃姑有定居河梁底處度空虛世兒擾擾寧知此應笑書生苦信書

流俗無知祇陋愚矜能于道亦浮虛鄰衣自富何關我不用逢人詫腹書

除夕

瘦竹蕭蕭一樹梅閉門俗客少曾來明朝遮莫新元日不用山童掃雪開

昭君出塞圖二首

平城圍後幾和親不斷邊烽與戰塵一出寧胡終漢世論功端合勝

前人

巫峽故山花樹紅
村村婚嫁樂春風
琵琶馬上無窮恨
最恨當年誤入宮

楊妃上馬圖

花擁金鞍步步遲
君王別殿待多時
延秋門外驚塵起
夜半無人見疾馳

秋日二首

酷暑煩蒸日望秋
耳根恨不聽颼颼
夜來庭樹秋風起
獨覺却添無限愁

少時倔強不知愁
每笑詩人嘆白頭
四十行年還自笑
風前梳墮一莖秋

霓裳圖

一曲霓裳眾樂催
相傳親聽月宮來
當時果有飛昇術
未路因何厄馬嵬

卽事三首

日炙風吹野岸旁，形容塵土汗如漿。
平生三伏寧知此，高竹當門獨倚牀。

解衣坐憇野人，家滿樹紅茸。
夜合花河水悠悠，纓可濯我來非是美魚蝦。

離家始識家居樂，涉世深知世法疎。
豈是一行能作吏，已慚數月廢觀書。

堯民醉歸圖

騎行巾服俱非古，儀狄以前誰飲醇。
寫出太平真樂意，陶然如此卽堯民。

七夕

木槿籬邊絡緯哀，卧看河漢遶天迴。
西風不管扁舟客，吹下樓頭笑語來。

春暉堂

草心何以報春暉游子遠遊歸更遲甘旨高堂日娛養願君不識孟
郊詩

芙蓉翠羽圖

一幅宣和舊畫圖芙蓉紅擁翠禽梳籠沙萬里秋風道此景君王夢
見無

紫極宮太古圖

笑兀眼前安得堅人生變幻等飛煙混成有物知誰識長向千秋萬
古傳

漁樂圖

罾網縱橫來去船老妻含笑小童顛旁人競羨漁家樂不道羣魚正
可憐

吳城山阻風

吳城隄下放船初津吏催程畏簡書却謝北風多雅意留人兩日看
匡廬

留李王河驛

宦況不如歸興濃何人知我愛疎慵江濱荒話三更月聽說松陽卯酉峰

集句二首贈答潘季通

江上春風口客舟鳥啼花落水空流勸君更盡一杯酒與爾同消萬古愁

梅花梨花參差開如何不飲甘心哀百年莫作千年調二月已破三月來

還里二首

鄰屋荒塘巷陌非故廬在眼獨依依祝融回祿偏憐我莫恨知心一世稀

東家滿裝千斛船西家腰纏十萬錢我歸無物堪誇客方寸夜光長炯然

寒村雪暮圖

木杪棲鴉景已殘
沙邊落雁雪猶寒
江南江北曾行路
今日山窗借畫看

桃源圖

翠嶂清溪遠近春
柴荆雞犬接比鄰
花開酒熟身無事
便是桃源畫裏人

玉澗禪師山水

玉澗詩多畫上題
如何此畫不題詩
依稀樹石皆遊戲
一筆全無却更奇

雨中卽事

山雨冥冥水滿溪
倚闌望斷轉淒迷
黃鸝不管人愁緒
盡日高林相對啼

贈醫者陸生

三十年前識乃翁
鳴絃醺酒近鄰東
閉門秋院梧桐雨
却話人生如夢中

邯鄲炊黍圖

勇棄功名一覺餘
千年重有此翁無
昏昏醉夢人間客
爭向君家看畫圖

大洋灘

漠漠青煙障白陂
過船千百雁聲悲
喚醒羈旅十年夢
似泊高沙湖裏時

凍蠅

僵不能飛靜若癡
忽敲窗紙戀晴曦
主人偶見猶憐汝
不念營營擾擾時

題陶士元雙溪樵歌二首

綠蓑青箬老玄真
流水桃花曲尙新
故里雙溪誰復識
樵歌今喜見斯人

漫郎孤唱發清妍
甫里豪吟思口然
更聽正聲韶濩曲
武夷山上有飛仙